

Tusass

Code of Conduct

Tusassimi pissuserissaarneq

Code of Conduct tassaavoq najoqqutassaq, Tusassimi niuernitsinni ingerlatseriaatsitsinnik nassuaasoq. Pissutsinut naatsorsuutigisat, qanorlu immitsinnut avataanullu pissuseqassanersugut allaatigineqarsimapput. Tusassip Code of Conductiani sulisunut soqtigisaqaqatigiinnullu suliffimmi pitsaasumi toqqisisimanartumik avatangiisilimmi sinaakkutissat nassuarneqarsimapput, taakkulu Tusassip sumiluunniit akisussaassusilimmik niuernissaanik silatusaartumillu pissuseqarnissaanik qulakkeerinnissapput.

Ingerlatseqatigiiffik Namminersorlutik oqartussanit pigineqartoq inuaqatigiinni immikkut ittumik akisussaaffeqarpoq. Oqarasuaateqarnermik allakkeriveqarnermillu Kalaallit Nunaat tamakkerlugu pilersuisuuvooq, taamaattumillu nuna tamakkerlugu attaveqaasiortuulluni. Attaveqaasersuutit inuaqatigiinni digitalikkut ineriartortitsisut qulakkeernissaat suliassaraarput. Attaveqaatinik nukittuunik atuisutsinnut pitsaasunik pilersuisuussaagut, Kalaallit Nunaannilu inuaqatigiinnut iluaqutaassalluta. Ammasuunitsigut, peqqissaartuunitsigut uppernassuseqarnitsigullu niuernitsinni ileqqorissaarnermik takutitsinissatsinnik pisussaasuvugut, niuerfitta iluani, kiisalu sulisut, avataani suleqatit, pisiortorfitt kiisalu atuisut akornanni.

Code of Conductimi sammisani ataasiakkaani tamani, suliffeqarfimmi politikkit najoqqutassallu nassaarineqarsinnaapput. Immikkoortuni tamani politikkimut attuumassusilimmut linkeqarpoq, Tusassimi piujuartitsisumik suliaqarnitsinni, malittarisaliornitsinni ilaasortaanitsinnilu pisussaaffitsinnik nassuaasut.

Inuaqatigiinni akisussaaffik

Politikkimut linki: [Inuaqatigiinnut-akisussaaffik.pdf](#)

Kinguuariit tulliinut, siunissami sulissussatsinnut, avatangiisimut, nunarsuarlu tamakkerlugu nunatsinnilu piujuartitsisumik ineriartortitsinissamut Tusassi akisussaaqataavoq. Suliffeqarfittut siunissarput niuernerpullu, nunatsinni inuttassanik- avatangiisimillu ataatsimoorluta pilersitatsinnit aalajangerneqartussaavoq. Tamatta immikkut piujuartitsisumik ineriartortitseqataanissatsinnut akisussaaffeqarpugut. Ineriartortitsineq inuaqatigiinnut peqataaffigisatsinnut naleqalersitsisussaq.

Tusassi CSR Greenlandimut Transparency International Greenlandimullu ilaasortaavoq. Tassaapput Kalaallit Nunaanni niuernerup iluani piujuartitsinissamik akisussaassuseqarnermillu siuarsasut. Akisussaaffippulli nunap iluaniiginnangilaq, nunanili tamalaani soqtigisaqaqatigiinnut atassuteqarnitsinniportaaq. Taamaattumik UN Global Compactimi nunanut tamalaanut tunngaviit 10-t ilannguffigisimavagut. Taakkumi inuaqatigiinni avatangiisimilu piujuartitsinissamik, kiisalu niuernerup iluani akisussaassusilimmik pissuseqarnissamik – inuit pisinnaatitaaffiinut, sulisut pisinnaatitaaffiinut, avatangiisimut, ileqqorlunnissamillu akiuiniarnermut tunngatillugu – siuarsanissamut suliaqartuupput. Tunngaviit qulit nunanut tamalaanut atuutut, nammineq ingerlatsinitsinni suliatsinnilu nalilinni piujuartitsisumik suliaqarnissatsinnik pisussaaffiliippot. Saniatigut aamma FN-ip nunarsuarmi piujuartitsisumik ineriartortitsinissamut anguniagai 17-t peqataaffigaagut.

Code of Conductitta ingerlatseqatigiiffiup pisussaaffitsinnik tapersiinissaa ataqqinninnissaalu qulakkiissavaa.

Atorfinititsinermut suliffimmilu avatangiisirut tunngatillugu sumiiffimmi inatsisit malittussaavagut. Eqqunngitsuliorluni pissusilersornerit, taassumalu ataani qinngasaarinerit, tiinganiarsaralunilu akornusersuinerit Tusassip akuerisarinngilai. Sulisoq kinaagaluarpalluunniit, sumiuussuseq, piorsarsimassuseq, suaassuseq, ukiut imaluunniit suaaqatinoortuuneq il.il. tunngavigalugit assigiinngisitsisoqassanngilaq. Niuernitsinni tamakku misigineqarpata, ingerlaannartumik iluarsineqassapput.

Ileqqorlunnissamut akiliillunilu peqquserlutsitsinernut akiuiniarneq

Politikkimut linki: [Peqquserluttuliornaveersaartitsineq.pdf](#)

Tusassimi ileqqorlunnerit, akiliilluni peqquserlutsitsinernit imaluunniit niuernermi ileqqorissaannginnerit qanorluunniit ittut akuerineqanngillat. Niuernerup iluani aallaavittut tunisineq imaluunniit tunisinneq iluaqtissallunniit allat, akiliilluni akuersitsitsinertut isigineqarsinnaasut inerteqqutaapput.

Pisiniarnermi aalajangiinerni najoqqutarisat objektiviunissaat qulakteerniarlugu, pisiniarnermut immikkoortortaqarfiup isumaqatigiissutinik atsiornissaq akisussaaffigaa, taakkumi objektiviusussaapput.

Akerleriinnerit qanigisamillu pingaarcerutitsinerit

Pisiortorfiit soqtigisaqaqtigilli allat akornanni, niuernermi aalajangiinerni, inuttut soqtigisat sunniisussaanngillat; taassumalu ataani ilaqtutanik kammalaatinilluunniit, inuttut nammineq attaveqaatit tunngavigalugit pingaarcerutitsinerit. Atorfinititsinerni HR peqataajuaannarpoq, objektivimillu iliortussaalluni, taamaalilluni akerleriinnerit qanigisamillu pingaarcerutitsinerit pinngitsoortinnissaat qulakteerneqassaaq.

Paasissutissanik illersuineq paasissutissanullu tunngatillugu isumannaassuseq

Politikkimut linki: [paasissutissanut_politikki](#)

Paasissutissanik illersuinerup isumannaassutsillu pitsaaneruleqqinnissaanut, pitsaassutsillu tamanut atuuttut naapertorlugit Tusassi suli aaqqissuulluakkamik suliaqarpoq.

Paasissutissanik illersuinermi isumannaallisaanermilu inatsisit atuuttut malinneqarnissaat qulakkiissavarput. Paasissutissat inunnut tunngasut illersornissaat, isumagisarnissaat, isumannaatsumik akisussaassusilimmillu atorneqartarnissaat pisussaaffigaarput. Paasissutissat inunnut tunngasut suliarineqartarnissaat qulakkiissavarput. Paasissutissat inunnut tunngasut, siunertatsinnut pisariallit naapertuutfullu kisimik katcersorneqartassapput suliarineqartassallutillu.

Paasissutissaatitta innarligassaannginnissaannut, tatiginartumik suliarineqartarnissaannut takuneqarsinnaanissaannullu tekniskimik aaqqiissuussaanikkullu aaqqiinernik naapertuutunlik atuutilersitsissaagut. Tassani ilaallutik (taakkuinnaanatilli) paasiuminaallisaaneq, isersinnaanermut nakkutiliineq paasissutissanillu tammarnaveersaartitsineq.

Avatangiisit nukilu piujuartitsisoq

Politikkimut linki: [Avatangiisit-aamma-silap-pissusaa.pdf](#)

Kalaallit Nunaanni inuussutissarsortunut innuttaasunullu sumiluunniit najugalinnut periarfissat pitsaanerpaat qulakteerniarlugit ullut tamaasa suliaqartarpugut. Tamanna Kalaallit Nunaanni atuisukitsumi, ungasissutsini annertuuni silartunnikkaamilu unammillernartuuvoq.

Oqarasuaateqarnermi attaviit qulakteerniarlugit nukit annertuut pisariaqartarpuit, taamaattumik suliniutitta pingaarcerit ilaat tassaavoq nukissiornerup piujuartitsisup annertunerulersinnissaa, soorlu seqernup qinngorneranik anorimillu nukissorneq.

Avatangiisimut silallu pissusaanut pitsaanngitsumik sunniisarneq minnerpaamiitissavarput pinaveersaartillugu. Avatangiisinut tunngatillugu unammillernartut pinaveersaartinnissaannut suleqataassaagut, sumiiffinnilu nunarsuullu sinnerani avatangiisimut tunngatillugu akisussaaqataaneq siuarsassallugu. Avatangiisinut politikkitsinni akisussaaaffik tamanna tiguarput.

Unioqqutitsinerit

Tusassi Code of Conductimik iliuutsitigut unioqqutitsinernik nalaataqaruni, pisortamut qaninnermut HR-imulluunniit paasitsissaaq. Unioqqutitsineq annertussuseq naapertorlugu kinguneqartinneqassaaq. Tamanna atorfimmut sunniuteqarsinnaavoq, unioqqutitsinerlu pillarneqaataasussaappat, politiinut unnerluutigineqassalluni. Pisoq aalajangersimasoq Code of Conductimut naapertuunnersoq nalornissutigukku, paassisutissanik illersuinermut siunnersorti imaluunniit HR saaffigissavat.

HR-imi imaluunniit pisortani unioqqutitsisoqarpat, Tusassip whistlebloweriatigut tamanna nalunaarutigineqassaaq. Ingerlatseqatigiiffiup intranetiani nittartagaanilu tamanna nassaarineqarsinnaavoq.

Whistleblowereqarneq

Politikkimut linki: [whistleblowerordning](#)

Niuerntsinni pissuserissaarnissamut, niuernerup iluani- imaluunniit inatsisitigut unioqqutitsisoqartillugu imaluunniit unioqqutitsinermik pasitsaassinermi, whistleblowereqarneq aqqutigalugu sulisut, siulersuisunut ilaasortat suliffeqarfiullu iluani avataanilu soqutigisaqqaqtigijit periarfissinneqarput, kinaassutsiminnik isertuussillutik ingerlatseqatigiiffimmut attuumassutilimmik nalunaarutiginninnissaminut.

Nangitsineq

Ingerlatseqatigiiffiup Code of Conductiata ullumikkumut pisussaaffitsinnullu naleqquttuunissaa quakkeerniarlugu, ukiut tamakkiallugit nalilersorneqartassaaq.

Immikkoortortaqarfik akisussaasoq

Iliusissatut pilersaarut & piujuartitsineq.

Akuersinerit

Pisortanit akuerineqarpoq ulloq 20. december 2023.

Paasisaqnarerorusukkaanni piujuartitsinermut suliaqartut attavigineqarsinnaapput:

baeredygtighed@tusass.gl